

# ООН-а Генеральн Ассамблейин Политическ Комитетд

НЬЮ-ИОРК, (ТАСС). Ноябри 27-д Политическ комитетд халагдх төрмүдин бас нег пункттар — корейин төрар кегдсн жүүндвр дуусгдв. Гурви хонгин туршарт болсн зүтклдэнд 30 орн-нутгудин делегацс орлиц. Эн төрар кегдсн күүндврин йовудт сөрүд хойр халацс илдждв. Социалистическ орн-нутгудин делегацс, корейин олт амтнә седкл-ухагьинь медүлдж, корейин төриг төвкнүнәр хагьллгьна гол таалнь гидж, Корейас газадин ордудин цегүдиг цаг түдәл уга болн күүщднь гаргьхиг некцхәв. Төрт эс орлицдг, тустан бәәгч орн-нутгудин чик халаврт, зуг сул суньгьвр келгьн, тегәд оч ни-негн, тустан бәәгч, демократическ Корей бүрдәлгьнүр болн эн районд батта төвкнүн бәәдл тогталгьнур авч ирхми гидж тедн заацхав.

Тер бийнь, деед үзгин зәрм госу дарствс, хамгин түрүн болдж, Соединенн Штатс, урдк кевәрн. Корейд газадин ордудин цегүд үлдәхин, дермчлгьнә таалар суньгьвр келгхин болн түүг, КНДР-н өмнәс кегч дәәнд урднь орлицдж йовсн орн-нутгудин халаврәр келгхин тускар гүдждж келцхәв. Тедн, Корейин Олт амтнә Республикин правительствиг, дун угагьар, боогдсн болн нег халхин некврмүд авулхар седцхәв. Эдниг күү-

цәлгьн, Корейин тоха арлин цуг газр деерәгьяр Ли Сын Мана дәннә чаньгь бәәдл тархалгьнд нилчән күүргх бәәсмн.

Комитетд босдж үг келсн, СССР-н элч И. И. Тугаринов, ним халацд төрүц ул угагьинь заав. Иим неквриг, бийән күүндлг нег чигн правительств авч чадхми биш, — гидж тер заав. КНДР — корейин олт амтнә сулдан болн тустан бәәгч түрүн госу дарств болад, экономическ, культурн болн бәәхтә бәәдлин цецгәрлтин хаалгьар өргн ишкдләр йовдж йовх госу дарств болчкад, диктатас аагьад, эврәннь политическ болн социальн диилврәсн хәрү цухрх гидж тоолсн — нег үлү инәдтә болн гени тоолвр болджана.

Комитет, ду эс гарад, даньгин зөвшәрдг эврәннь ик зуугьарн америкн резолюциг батлдж авб. Социалистическ орн-нутгудин делегацс эс зөвшәрсн дү өгв; Афганистана, Бирман, Комбоджин, Цейлона, Финляндин, Ганин, Гвинейин, Индин, Индонезин, Иракин, Ливана, Ливийин, Мароккон, Непалан, Саудовск Аравийин, Судана, ОАР-н, Йемена болн Югославин делегацс дуугьан өгхәсн тотцхав. Латиноамериканск тавн орн-нутгудин делегацс ду өгәгьнд орлицн уга.